

BOSNA I HERCEGOVINA
OSNOVNI SUD BRČKO DISTRIKTA
BOSNE I HERCEGOVINE
Broj: 96 o V 150119 23 V 2
Brčko, 19.01.2024.godine

Osnovni sud Brčko distrikta Bosne i Hercegovine, po sudiji XX, u vanparničnom predmetu predlagača XX, kojeg zastupa zakonski zastupnik XX, zamjenik Pravobranioca Brčko distrikta Bosne i Hercegovine, protiv protivnika predlagača XX, sina XX, iz Brčkog, ul. Meše Selimovića br.14, kojeg zastupa punomoćnik XX, advokat iz Brčkog, radi određivanja naknade za eksproprisane nekretnine, van ročišta, donio

R J E Š E N J E

Ispravlja se rješenje ovog suda broj: 96 o V 150119 23 V 2 od 01.11.2023. godine, tako što će u izreci i obrazloženju rješenja, pogrešan tekst „te da protivniku predlagača nadoknadi troškove vanparničnog postupka u iznosu od 3.050,00 KM“, zamjeniti ispravnim tekstom „te da protivniku predlagača nadoknadi troškove vanparničnog postupka u iznosu od 3.750,00 KM“.

U ostalom dijelu rješenje ostaje neizmijenjeno.

Obrazloženje

Osnovni sud Brčko distrikta BiH je donio rješenje broj: 96 o V 150119 23 V, od 01.11.2023. godine i to rješenje dostavio parničnim strankama.

Podneskom od 29.12.2023.godine, punomoćnik protivnika predlagača, advokat XX je zatražio da se izvrši ispravka u ovom rješenju, te je naveo da je prilikom izrade rješenja broj: 96 o V 150119 23 V 2 od 01.11.2023. godine u izreci i obrazloženju istog pogrešno otkucan iznos naknade troškova vanparničnog postupka, te je umjesto pravilnog teksta: „te da protivniku predlagača nadoknadi troškove vanparničnog postupka u iznosu od 3.750,00 KM“, pogrešno upisano „te da protivniku predlagača nadoknadi troškove vanparničnog postupka u iznosu od 3.050,00 KM“, obzirom da su u ponovnom postupku bile održane dvije rasprave i to: 03.10.2023. godine i 01.11.2023. godine, a u rješenju i obrazloženju rješenja je navedena samo rasprava od 01.11.2023. godine.

Nakon izvršenog uvida u tekst navedenog rješenja i cjelokupan spis ovog vanparničnog predmeta, sud je utvrdio da je došlo do greške u pisanju kako u izreci ovog rješenja, tako i u obrazloženju rješenja, jer je propušteno da se navede

da su u ponovnom postupku održane dvije rasprave (03.10.2023. godine i 01.11.2023. godine), te da zbog toga stvarni troškovi vanparničnog postupka protivnika predlagača iznose 3.750,00 KM, a ne 3.050,00 KM, zbog čega je sud i utvrdio da je podnesak punomoćnika protivnika predlagača od 29.12.2023. godine, osnovan i da je potrebno izvršiti ispravku navedenog rješenja.

Kako je sud utvrdio da se radi o očiglednoj grešci u pisanju, to je, na osnovu člana 315. Zakona o parničnom postupku Brčko distrikta BiH („Sl.glasnik Brčko distrikta BiH“ broj 28/18 i 6/01) i odlučeno kao u izreci ovog rješenja.

S U D I J A
XX

Pouka o pravnom lijeku:

Protiv ovog rješenja može se izjaviti
žalba Apelacionom sudu Brčko distrikta BiH
u roku od 8 dana od dana prijema istog,
a putem ovog suda.